

Forskrift om vass- og avløpsgebyr, Volda kommune, Møre og Romsdal

Heimel: Vedteke av Volda kommunestyre dd. mmmm 2026 med heimel i lov 06. juni 2025 nr. 26 om kommunale vass- og avløpsanlegg § 4 og forskrift 1. juli 2004 nr. 931 om begrensning av forurensning § 16-1 andre ledd.

Kapittel 1. Generelle føresegner

§ 1-1. *Føremålet med forskrifta*

Forskrifta fastset utrekningsmåte og gebyrplikt for kommunen sine vass- og avløpstenester. Forskrifta skal bidra til stabile forutsetningar for gebyrberekinga.

§ 1-2. *Verkeområde*

Forskrifta gjeld for alle som er definert som abonnentar jf. § 1-3 bokstav b, og gir bestemningar om utrekning og innbetaling av gebyr som abonnentane skal betale for kommunen sine vatn og/eller avløpstenestar.

§ 1-3 *Definisjonar*

I denne forskrifta meiner vi med:

- a. Eigedom: Fast eigedom registrert med eige gards- og bruksnummer, eige festenummer eller eige seksjonsnummer i matrikkelen. Seksjon etablert i høve til lovgivinga om eigarseksjonar vert rekna som sjølvstendig eigedom.
- b. Abonnent: Eigar eller festar av eigedom som er tilknytt kommunen sitt vass- og/eller avløpsanlegg, eller som er godkjend eller kravd tilknytt. Festar av eigedom skal stå som abonnent når gjenståande festetid då gebyrplikta oppstod var 30 år eller meir, eller festar har rett til å få festeavtalen forlenga slik at samla festetid vil kunne bli 30 år eller meir frå gebyrplikta oppstod. I burettslag er burettslaget abonnent. I eigarseksjonssameige er kvar eigarseksjon ein abonnent. Det er etter avtale med kommunen høve til fellesfakturering av eigedomar med fleire bu- eller brukseiningar, til dømes seksjonerte leilegheiter.
- c. Abonnement: Avtale mellom abonnent og kommunen om vass- og avløpstenester gjennom tilknytning av sanitærinstallasjonar og private vass- og avløpsanlegg til kommunen sine vass- og avløpsanlegg. Det er ikkje ein føresetnad at avtalen er skriftleg. Avtale om tilknytning via privat fellesledning vert rekna som abonnement.
- d. Sanitærinstallasjonar: Abonnenteigde røyr, installasjonar og utstyr innanfor husets yttervegg, som er tilknytt vass- og/eller avløpsanlegg.
- e. Privat vass- og avløpsanlegg: Abonnenteigde private ledningar (stikkledningar) og utstyr utanfor husets yttervegg, som er tilknytt offentleg vass- og/eller avløpsanlegg.
- f. Avløpsvatn: Både sanitært og industrielt spillvatn og overvatn.
- g. Bygg/bygning: Konstruksjon/byggverk med eige bygningsnummer i matrikkelen.
- h. Brukseining: Bygning eller del av bygning (lokale), til dømes bustad, kontor, verkstad og lager.
- i. Bueining: Brukseining som er definert som bustad eller bueining i matrikkelen. Som bueining reknast kvar og ei brukseining som har minst eitt rom og eigen inngang, og der det er tilgjenge til vatn og toalett utan å gå gjennom anna brukseining. Det er ikkje eit krav at bueiningane er godkjente som separate bueiningar og/eller fysisk skilt frå andre bueiningar. Brukseining som er definert som bustad i matrikkelen blir alltid rekna som bueining.
 1. Utleigerom i ein privat bustad: Hybel eller utleigerom vert ikkje rekna som sjølvstendig bustad, sidan ein må gå gjennom andre sin bustad for å komme til eige rom.
 2. Hyblar i hybelbygg: Kvar hybel vert rekna som sjølvstendig bustad, sjølv om bebruarane deler viktige funksjonar som kjøkken og/eller bad. Kjøkken, bad og gang som vert delt av fleire bebruarar vert rekna som fellesareal og ikkje ein eigen del av andre sin bustad.
- j. Bustadeigedom: Eigedom med bygg som vert brukt til bustadføremål, medrekna fritidsbustad. Bygningstype 111–199 etter NS-3457.
 1. Fritidseigedom: Eigedom der alle bustadbygg er registrert som fritidsbustad i matrikkelen.
 2. Fritidsbustad: Registrert i matrikkelen med bygningstype 161–163 etter NS-3457.
- k. Kombinasjonseigedom: Eigedom med ei eller fleire bueiningar, i tillegg til ei eller fleire brukseiningar som ikkje er bustad. Eigedom med ei eller fleire bueiningar i tillegg til ei eller fleire bygningar for fiskeri eller landbruk vert

klassifisert som kombinasjonseigedom. Om eigedomen er seksjonert etter lov om eigarseksjonar vert kvar bustad- og næringsseksjon rekna som eigne bustad- og næringsseigedomar.

- l. Næringsseigedom: Eigedom som ikkje er bustad, fritidsbustad eller kombinasjonsbygg. Bygg for offentlege føremål vert klassifisert som næringsbygg.
- m. Bruksareal (BRA): Bruksareal for eigedom som er registrert i matrikkelen og rekna med utgangspunkt i NS-3940.
- n. Symjebasseng: Inn- og utvendige boblebad, badestampar ol. med mindre fyllevolum enn 4 kubikkmeter vatn vert ikkje rekna som symjebasseng.

§ 1-4. Generell gebyrplikt

Plikta til å betale vass- og/eller avløpsgebyr gjeld abonnentar med:

- a. Fast eigedom som er, eller frivillig blir, tilknytt kommunal vass- og/eller avløpsleidning, direkte eller gjennom privat samleiidning.
- b. Eigedom som kommunen i medhald av plan- og bygningsloven §§ 27-1, 27-2 eller § 30-6 har kravd tilknytt kommunal vass- og/eller avløpsleidning.

Den generelle gebyrplikta gjeld også eigar av eigarseksjonar eller festa eigedom, som definert i § 1-3. Første ledd bokstav b gjeld ikkje driftsbygningar i landbruket jamfør plan- og bygningsloven § 30-1.

§ 1-5. Gebyrtypar

Gebyrtypane er:

- a. Eingongsgebyr for tilknytning til høvesvis vatn og avløp
- b. Årsgebyr for høvesvis vatn og avløp (summen av fast og variabel del)

I tillegg kan kommunen krevje betaling etter standardiserte satsar for kommunen sine kostnader, som ved avlesing av vassmål, avstenging og påsetting av vassforsyning og liknande arbeidsoppgåver.

§ 1-6. Gebyrsatsar

Kommunestyret vedtek gebyrsatsane og avgjer når dei skal tre i kraft.

Gebyra skal fullt ut dekke kommunen sine kostnader ved levering av tenestene regulert av denne forskrifta.

Gebyrsatsane kjem fram av gebyrregulativet, og er tilgjengelege på kommunen sine heimesider.

§ 1-7. Arealutrekningmetode

Dersom utrekninga av gebyr vert gjort avhengig av bustaden sin storleik, skal det vere bruksarealet (BRA) rekna etter NS-3940 som dannar grunnlaget for gebyrfastsettinga.

Garasjar, uthus, anneks, utvendige buer og naust, som ikkje er tilknytt vatn og/eller avløp, vert ikkje medrekna som bruksareal for bustad- og kombinasjonseigedom. Bygningstype 181–183 etter NS-3457.

Dersom eigedomen sine opplysningar i matrikkelen er mangelfulle, kan kommunen estimere arealet basert på gjennomsnittsoverslag basert på bygningstype. Abonnementen kan sjølv skaffe dokumentasjon på eigedomen sitt gebyrpliktige areal.

Som grunnlag for utrekning av gebyr tar kommunen utgangspunkt i opplysningane i matrikkelen. Opplysningar skal korrigerast dersom dei er feilaktige, og eigar er ansvarleg for at arealet på eigedom er korrekt.

Kapittel 2. Tilknytingsgebyr

§ 2-1. Gebyrplikt

Gebyr for tilknytning til kommunalt vass- og/eller avløpsanlegg skal betalast for:

- a. Tilknytning av eigedom
- b. Tilknytning av eigedom som kommunen krev tilknytt, jf. pbl. §§ 27-1 og 27-2 og pbl. § 30-6
- c. Eigedom med tilknytning som ikkje er godkjent
- d. Tiltak som utvidar eigedomen sitt gebyrpliktige bruksareal etter § 1-7. Arealutvidinga må føre til ei ny eining og gebyret betalast for kvar ny eining som vert bygd på
- e. Tilknytning av sprinklaranlegg

Tilknytingsgebyr for tilknytning til vatn og/eller avløp skal ikkje betalast for:

- a. Seksjonering av allereie tilknytt eigedom utan at bruksarealet for eigedomen vert endra
- b. Bygg som har mellombels tilknytning i opptil eitt år, til dømes brakkerigg. Dersom tilknytninga varer i meir enn eitt år, skal det verte kravd tilknytingsgebyr

§ 2-2. Utforming av gebyra

Tilknytingsgebyret er eit eingongsgebyr og vert betalt etter fastsette kategoriar i gebyrregulativet. Om kommunen overtek private vatn- og/eller avløpsanlegg kan kommunen fastsette særskild sats i det enkelte tilfellet.

For bustad- og fritidseigedom skal eingongsgebyret for tilknytning utgjere eit fast beløp per bueining. For næringsseigedom skal eingongsgebyret for tilknytning utgjere eit fast beløp per brukseining som er tilknytt. For kombinasjonseigedom skal det betalast gebyr for kvar del etter reglane over.

Ved utviding av gebyrpliktig areal etter § 2-1 første ledd bokstav d, skal det berre reknast tilknytingsgebyr for arealutvidinga.

§ 2-3. Ansvar og betaling

Den som er abonnent på det tidspunktet gebyrplikta oppstår, er ansvarleg for betaling av gebyret. Dette gjeld også der faktura for tilknytingsgebyr opphavleg er sendt til ein utbygger, tiltakshavar eller andre, dersom gebyret står ubetalt på tidspunktet for den fysiske tilknytninga til kommunens vass- og/eller avløpsleidning. Kommunen vil varsle abonnenten om ubetalt tilknytingsgebyr på eigedommen så snart abonnenten er kjent for kommunen. Abonnenten er ansvarleg for å betale fakturaen dersom utbygger eller annan tiltakshavar ikkje gjer opp med kommunen innan ein nærmare fastsett frist.

Kommunen fakturerer gebyret samstundes som igangsettingsløyvet blir gitt, med den satsen som gjeld på faktureringstidspunktet. For eksisterande bygg med tilknytning som ikkje er godkjend, vert tilknytingsgebyr betalt etter gjeldande sats på det tidspunktet kravet vert framsett etter foreldingsfristen sitt utgangspunkt, jamfør foreldelseslova § 3.

Tilknytingsgebyr skal vere betalt seinast før tilknytning.

Forfalle krav på tilknytingsgebyr er tvangsgrunnlag for utlegg, og kan krevjast inn av kommunekasseraren etter reglane for innkrevjing av skatt, jf. § 6 i lov om kommunale vass- og avløpsanlegg, 2. punktum.

Kapittel 3. Årsgebyr

§ 3-1. Gebyrplikt

Årsgebyr skal betalast for alle eigedomar som:

- a. Er eller frivillig blir tilknytt kommunalt vass- eller avløpsanlegg, eller
- b. Blir pålagt tilknytning til offentleg leidningsnett, frå det tidspunkt då fristen for å foreta slik tilknytning i pålegget har gått ut, jf. lov om kommunale vass- og avløpsanlegg § 3, første ledd 2. punktum.

Årsgebyr vert rekna frå dato for mellombels bruksløyve eller ferdigattest.

Gebyrplikta er uavhengig av om det er utandørs tappepunkt/vasspost eller om det er innlagt vatn.

§ 3-2. Gebyret si samansetting

Årsgebyra for vass- og avløpstenester er samansett av to delar:

- a. Abonnementsgebyr (fast del).
- b. Forbruksgebyr (variabel del).

Inntektene frå abonnementsgebyret skal fortrinnsvis dekke vass- og avløpstenesta sine forventa kapitalkostnader. Kor stor del av årsgebyret som skal vere fast og variabel del, vert kvart år fastsett i gebyrregulativet.

§ 3-3. Abonnementsgebyr

Bustad- og fritidseigedom skal betale abonnementsgebyr som ein fast sats per buening. Alle bustad- og fritidseigedommar skal betale minst eitt abonnementsgebyr. Eigedom med hybel eller sokkelleilegheit betalar ikkje abonnementsgebyr for første buening som er hybel eller sokkelleilegheit.

Nærings- og kombinasjonseigedom skal betale abonnementsgebyr etter fastsette kategoriar som speglar vassforsyningskapasiteten til den einskilde eigedom. Kategoriane kjem fram av gebyrregulativet.

I bygning der kommunen har gitt løyve til at fleire eigedomar kan dele vassmålar skal abonnentane betale abonnementsgebyr som ein fast sats per brukseining.

For særleg kostnadskrevjande anlegg eller delar av anlegg kan kommunen fastsetja tillegg til den faste delen av årsgebyret.

§ 3-4. Forbruksgebyr

Abonentane skal betale forbruksgebyr etter målt eller stipulert vassforbruk i m³. Både kommunen og abonnenten kan krevje at forbruksgebyret vert fastsett ut frå målt forbruk. Dersom forbruksgebyret allereie er fastsett ut frå målt forbruk kan dette ikkje reverserast slik at forbruket blir rekna ut etter stipulert vassforbruk utan førehandsgodkjenning frå kommunen.

Det vert ikkje gjeve nedsett forbruksgebyr for storforbrukarar av vatn.

Vassforbruk til sprinklaranlegg er ikkje gebyrpliktig.

Som hovudregel gjeld at avløpsmengda vert rekna lik vassmengda ved utrekning av forbruksgebyr. Unntak frå dette er nemnt i § 3-7 femte ledd.

§ 3-5. Betaling etter målt forbruk

Forbruksgebyr skal betalast for rapportert årsforbruk. Følgande eigedomar skal betale etter målt forbruk og ha vassmålar installert:

- a. Næringsseigedom, medrekna bygg for offentlege føremål.
- b. Kombinasjonseigedom, medrekna eigedomar med ei eller fleire bueningar i tillegg til ei eller fleire bygningar for fiskeri eller landbruk.
- c. Anlegg med varig eller mellombels tilknytning i samband med oppføring av bygg eller anlegg.
- d. Eigedom med symjebasseng eller andre former for vassreservoar.

Dersom det ikkje er mogleg å installere vassmålar kan kommunen fastsetje eit stipulert forbruk.

For mellombelse tilknyttingar kan kravet om vassmålar fråvikast dersom vassmengda kan verte fastsett på andre måtar.

§ 3-6. Betaling etter stipulert forbruk

Eigedom som ikkje har vassmålar, skal betale forbruksgebyr etter stipulert forbruk.

Stipulert forbruk vert rekna ut frå eigedomen sitt bruksareal, jf. § 1-7. Eigedommen vert plassert i intervall for stipulert forbruk, basert på storleiken av det gebyrpliktige arealet. Kategoriane kjem fram av gebyrregulativet.

Kommunen kan fastsette stipulert forbruk for eigedom som berre har utandørs tappepunkt/vasspost. Forbruket kjem fram av gebyrregulativet.

§ 3-7. Reduksjon av eller tillegg til årsgebyr

Restriksjonar på vassforbruket, avbrot i vassleveransen eller i mottak av avløpsvatn gir ikkje grunnlag for reduksjon av gebyra.

Fråflytting eller fråvær gir ikkje grunnlag for reduksjon av gebyra. Er bustad/bygg på eigedomen fjerna, eller øydelagd slik at den ikkje kan verte brukt, skal årsgebyr betalast inntil stikkledning er fråkopla (plugga) ved hovudleidinga. Dersom bustad er nedbrunne, og/eller skada av naturkatastrofe, kan abonnenten søke om fritak for forbruksgebyret også.

Ved søknad til kommunen kan abonnenten få fritak for årsgebyret når eigedomen fysisk vert fråkopla kommunalt leidningsnett ved tilkoplingspunkt. Abonnementet tek slutt når melding om plombering er motteke frå godkjent røyrleggar.

Ny tilknytning av eigedomen utløyser ikkje ny betaling av eingongsgebyr for tilknytning. Både arbeidet med å kople frå og ny tilknytning vert utført for abonnenten sin kostnad og etter kommunen si tilvising. Om kommunen utfører stenging eller påsetting av vassforsyninga vil kommunen krevje betaling etter standardisert sats til dekning av dei forventa kostnadene for kommunen. Sats kjem fram av gebyrregulativet.

For eigedom som ikkje vert brukt som bustad, og der avløpsmengda er vesentleg større eller mindre enn vassforbruket, kan avløpsgebyret verte rekna ut frå målt avløpsmengd, eller verte fastsett etter særskild avtale med kommunen.

For eigedom der avløpsvatnet si samansetting avvik frå vanleg hushaldsavløp og verkar fordyrande på drift og vedlikehald av kommunen sitt avløpsanlegg, kan kommunen fastsette eit tillegg til avløpsgebyret til dekning av meirkostnadane. I slike tilfelle vert det inngått ein separat avtale mellom kommunen og abonnenten.

Ved lekkasje på det private vassanlegget kan abonnenten søke kommunen om reduksjon i vassgebyret. Søknaden må innehalde dokumentasjon frå godkjend røyrleggar som viser at det målte forbruket skuldast lekkasje. Abonnenten er sjølv ansvarleg for å skaffe denne dokumentasjonen. Dersom lekkasjevattet ikkje er tilført privat avløpsanlegg (stikkledning for spillvatn), kan abonnenten søkje om reduksjon i avløpsgebyret også.

§ 3-8. Gebyrreduksjon i medhald av forbrukarkjøpslova sine reglar om prisavslag

Abonnenten har rett til reduksjon i gebyr (prisavslag) ved feil eller mangel ved vassforsyninga i medhald av forbrukarkjøpslova sine reglar om prisavslag. Abonnenten har rett til redusert forbruksgebyr dersom ikkje-varsla avbrot i vassforsyninga varer i meir enn 24 timar.

Vilkår for gebyrreduksjon er at mangelen er skulda forhold på kommunen si side, til dømes forureining i vasskjelde eller feil ved kommunalt anlegg. Kommunen pliktar å bidra til å avklare ansvarsforholdet.

Generell tilråding om koking som tryggleikstiltak etter trykkfall som følge av reparasjon, spyling, brannsløkking mv., gir ikkje gebyrreduksjon.

Krav om redusert gebyr må verte fremja innan to månadar etter at forholdet oppstod, dersom ikkje kommunen har fatta eige vedtak om gebyrreduksjon.

Sats for gebyrreduksjon vert fastsett i gebyrregulativet.

§ 3-9. Pålegg om utbetring

Kommunen kan krevje dekt alle kostnader direkte knytt til tiltak som følge av at abonnent har unnlate å etterkome pålegg om å utbetre lekkasjar på eigedomen si vassleidning eller manglar ved avløpsanlegg eller sanitærutstyr. Ved omlegging eller utbetring av avløpsleidningar kan kommunen krevje at eigar av tilknytt stikkleidning set i verk tilsvarande omlegging eller utbetring.

Gebyrpliktig som unnlét å etterkome pålegg om utbetring av lekkasjar som medfører forureining, kan verte kravd tvangsmulkt etter *Forurensningsloven* § 73.

§ 3-10. Ansvar for opplysingar om abonnement

Abbonenten skal melde frå til kommunen om endringar i abonnementsforholdet.

§ 3-11. Ansvar for gebyra

Abbonenten har ansvar for betaling av årsgebyret, uansett om gebyrkravet er retta mot abonnenten eller annan rekningsmottakar.

Abbonentar som samarbeider om felles vass- eller avløpsmålar, er solidarisk ansvarlege for gebyra. Gjeld slikt samarbeid eit sameige etter eigarseksjonslova, er kvar abonnent ansvarleg for ein del av gebyret i samsvar med sin eigarpart, dersom ikkje anna fordeling er fastsett i sameiget sine vedtekter eller bindande vedtak i sameiget.

Det er etter avtale med kommunen høve til fellesfakturering av eigedomar med fleire bu- eller brukseiningar, til dømes seksjonerte leilegheiter.

§ 3-12. Retting av feil gebyrutrekning

Har mangelfulle eller feil opplysingar ført til feilaktig utrekning av gebyr, skal utrekninga rettast og differansen verte gjort opp med verknad frå 1. betalingstermin etter at mangelen eller feilen oppstod. Krav som er forelda etter reglane om forelding av fordringar, vert normalt ikkje dekt.

Kapittel 4. Innbetaling av årsgebyr

§ 4-1. Innbetaling

Forfalle krav på årsgebyr er sikra med pant i eigedomen etter panteloven § 6-1. Gebyra kan verte kravd inn av kommunen etter reglar for innkrevjing av skatt.

Abonnementsgebyr og forbruksgebyr vert innkravd på felles faktura.

Når ein abonnent får installert vassmålar gjeld reglane for stipulert forbruk frem til dato for installasjon av målar, forutsett at denne er godkjend av kommunen etter reglane i § 5-2.

Faktura vert sendt til abonnent.

Eigedomar med felles vassmålar og som har avtalt med kommunen at dei skal ha felles faktura, vert fakturert via ein eigar/festar av eigedomen eller særskild avtalt rekningsmottakar.

Årsgebyra vert kravd inn over eit tal terminar som vert fastsett i gebyrregulativet.

§ 4-2. Manglande innbetaling

Dersom årsgebyret ikkje er betalt innan ein månad etter at den gebyrpliktige har motteke andre gongs varsling om innbetaling, kan kommunen stenge den kommunale vassforsyninga til eigedomen så framt kommunelegen ikkje motset seg avstenginga.

Kommunen kan krevje betaling frå abonnent for å dekke kostnadene i samband med stenging og påsetting av vassforsyninga. Satsen for betaling kjem fram av gebyrregulativet.

Kapittel 5. Føresegner for installasjon og bruk av vassmålar

§ 5-1 Målar typar

Føresegnene for vassmålarar gjeld tilsvarande for eventuelle avløpsmålarar. Føresegnene gjeld for vass-/avløpsmålarar med fjernavlesing så langt dei passar.

§ 5-2. Installasjon

Kommunen avgjer kor mange vassmålarar den ein skilde eigedom skal ha, og dessutan type, storleik og plassering på vassmålaren.

Kommunen skal godkjenne den som skal stå for installasjon og vedlikehald, og dessutan eventuell flytting, utskifting eller fjerning av målaren.

Dersom eksisterande eigedom med vassmålar vert oppdelt i nye eigedomar, skal kvar av dei nye eigedomane ha eigen vassmålar.

Abonnentar kan samarbeide om felles vassmålar der det vil vere særleg kostbart å installere eigen målar for kvar eining. Årsgebyr vert fordelt på abonnentane etter reglane i § 3-11 andre ledd.

Pålagt vassmålar for ny eigedom skal vere installert seinast når det vert gjeve mellombels bruksløyve eller eigedomen vert teke i bruk, og for eksisterande eigedom når den vert tilknytt. Dersom dette vert unnlate, skal abonnenten betale stipulert årsgebyr etter § 3-6.

For installasjon og bruk av vassmålar gjeld elles forskrift om krav til vassmålarar og kommunen sine tekniske bestemningar.

§ 5-3. Eigarforhold og kostnadar

Ved installasjon av ny vassmålar tilknytt det kommunale vassverket skal kommunen stå som eigar av denne. For anskaffing, vedlikehald, og utskifting av vassmålaren vert det betalt ei årleg leige. Pris for leige av vassmålar kjem fram av gebyrregulativet.

Dersom ein vassmålar vert borte eller skadd, skal abonnenten omgåande melde dette til kommunen. Kommunen tek atterhald om retten til å krevje full erstatning for tap eller skade.

Utskifting eller demontering av vassmålar som skuldast forhold ved abonnenten, dekkast av abonnenten sjølv.

§ 5-4. Avlesing av vassmålar

Abonnenten skal lese av vassmålaren så nær fastsett tidspunkt for avrekning som mogleg og sende resultatet til kommunen innan fastsett frist. Tidspunkt for avlesing vert fastsett i gebyrregulativet.

Unnlét abonnenten å lese av vassmålaren kan kommunen etter puring fastsette årsgebyret etter skjøn.

Dersom abonnenten unnlét å foreta avlesing kan kommunen sjølv sette i verk avlesing utan ytterlegare varsel til abonnenten, og krevje særskild betaling for å dekke kommunen sine kostnadar med dette. Satsen for betaling kjem fram av gebyrregulativet.

§ 5-4 første og andre ledd gjeld ikkje abonnentar med fjernavlesing av vassmålar.

§ 5-5. Tilsyn og vedlikehald

Abbonnten skal halde vassmålaren lett tilgjengeleg for avlesing, tilsyn og vedlikehald.

Abbonnten skal føre tilsyn med vassmålaren. Abonnnten er også ansvarleg for å følge med på forbruksutviklinga, slik at lekkasjar eller feil vert oppdaga snarast mogleg. Vert ein vassmålar skadd eller går tapt, skal abonnnten straks melde frå til kommunen. Broten plombering av vassmålaren vert også rekna som skade.

Kommunen kan krevje erstatning for skadar abonnnten påfører kommunen sine anlegg, medrekna vassmålaren, i høve dei vanlege reglane om skadeerstatning.

Kommunen skal føre tilsyn med vassmålaren i følge sitt eige internkontrollsystem. Kontrollør frå kommunen skal legitimere seg utan oppmoding.

§ 5-6. Avrekning ved feilmåling

Dersom vassmålaren ved kontroll viser større målarfeil enn grenseverdiane som er tillate etter forskrift om krav til vassmålar, har abonnnten krav på tilbakebetaling av for mykje betalt årsgebyr som følge av feilmålinga. Er plomberinga broten, har abonnnten ikkje krav på tilbakebetaling.

Tilbakebetalinga vert rekna frå det tidspunkt som vert lagt til grunn for at feilen må ha oppstått. Krav som er forelda etter foreldelsesloven, vert ikkje dekt.

Kommunen har krav på tilleggsbetaling etter tilsvarende reglar dersom målarfeilen har gjort at abonnnten har betalt for lave gebyr.

§ 5-7. Nøyaktigheitskontroll

Kommunen skal ha sitt eige internkontrollsystem for å sikre korrekte målarverdiar og skal gjere kontroll av vassmålarane i høve dette. Abonnntane kan krevje kontroll av sin målar ved mistanke om feil.

Dersom kontrollresultatet ligg utanfor feilmarginen etter forskrift om krav til vassmålar, vert det utført ei justering, eventuelt utskifting av vassmålaren, utan utgifter for abonnnten. Dersom abonnnten har kravd nøyaktigheitskontroll og det ikkje vert påvist feil utanfor feilmargin, vert kostnadane belasta abonnnten.

§ 5-8. Utskifting og flytting

Er målenøyaktigheita for dårleg, bestemmer kommunen om vassmålaren skal verte justert eller utskifta. Når vanleg levetid for ein vassmålar er nådd, kan kommunen bestemme at vassmålaren heilt eller delvis skal skiftast ut.

Kommunen kan krevje flytting av vassmålar som er plassert i strid med kommunen sine krav til plassering. Abonnnten kostar på slik flytting.

Kommunen dekker utskifting ved normalt bytte av vassmålar. Denne kostnaden dekkast gjennom vassmålarleiga.

Kapittel 6. Avsluttande bestemningar

§ 6-1. Klage og omgjering

Det er ikkje høve til å klage på gebyr som er fastsett i samsvar med denne forskrifta, jamfør forvaltningslova sine føresegner.

Einskilde vedtak gjort i medhald av denne forskrifta, kan klagast på til særskild klagenemnd, jamfør forvaltningslova § 28 andre ledd.

Gebyr må betalast innan forfallsdato sjølv om gebyrvedtaket er klagt inn.

§ 6-2. Ikraftsetjing

Forskrifta trer i kraft 01.01.2027

Frå same tid vert tidlegare forskrift om vass- og avløpsgebyr i Volda kommune oppheva.